

Buletin Selangor

PEJABAT SETIAUSAHA KERAJAAN NEGERI SELANGOR



BIL. 3/2012 - EDISI JUL - SEP

Sambutan Bulan Kemerdekaan Ke 55 Dan Sambutan Hari Malaysia

Peringkat Negeri Selangor Tahun 2012

ms 17



**KIK Peringkat
Negeri Selangor**

ms 05

**Hari Bertemu
Pelanggan
Bersepadu**

ms 18

**Pertandingan
Reka Bentuk
Bangunan SUK 2**

ms 21



"Teras utama KIK ialah kaedah pengurusan secara penyertaan atau "participative management" yang membolehkan potensi dan bakat pekerja digunakan sepenuhnya termasuklah daya kreatif dan inovatif. Dengan mengamalkan budaya ini, semangat bekerja secara berpasukan dapat diwujudkan. Secara umumnya, kita semua sedia maklum bahawa cara bekerja secara individu terdapat kelemahannya yang tersendiri dari segi kemahiran, pengetahuan, kepakaran dan kekuatan individu yang terbatas. Sehubungan itu, budaya kerja berpasukan didapati lebih berkesan kerana akan melahirkan kekuatan dan kecekapan yang berganda atau "synergy" kepada organisasi."

(Handwritten signature)

YB Dato' Haji Mohammed Khusrin bin Haji Munawi
Setiausaha Kerajaan Negeri Selangor

ISI KANDUNGAN

Dialog bajet	3
Kursus Tatatertib	4
Majlis Apresiasi Perlancongan Selangor 2012	4
Konvensyen Inovatif & Kreatif Peringkat Negeri Selangor	5
Program makan buah	8
Lawatan Sekolah Menengah Confucion	9
Ceramah Ustaz DON	10
Majlis Perhimpunan Bulanan Jabatan anjuran LPHS	11
Ceramah Bulanan Pemakanan Seimbang	12
Diskusi Wanita: Aurat, Fesyen dan Syariat	12
Penyerahan Bonus Selangorku –Tabung Haji & BSN	13
Sumbangan Kebajikan Puspanita	14
Majlis Rumah Terbuka Dato Menteri Besar Selangor Sempena Hari Raya Aidilfitri	15
Kempen Anti Zina	16
Sambutan Bulan Kemerdekaan ke-55	17
Hari Bertemu Pelangan Bersepadu	18
Rumah Terbuka PUSPANITA	19
Rumah Terbuka YB SUK Selangor	19
Majlis Penutup Kejohanan Golf Master 2012	20
Pertandingan Reka Bentuk Bangunan SUK	21
Pertandingan Reka Bentuk Rumah Mampu Milik oleh LPHS	22
AISAS	23

BIL. 3/12 EDISI JULAI-SEPTEMBER



SIDANG REDAKSI

PENAUNG

YB Dato' Haji Mohammed Khusrin bin Hj. Munawi
Setiausaha Kerajaan Negeri Selangor

KETUA EDITOR

Muhammad Hanafi bin Ahmad

EDITOR

Nurmala binti Saaman

SIDANG EDITORIAL

Nor Fariza binti Daud
Nooraini binti Jailani
Fara Hanim binti M Sharif
Sahida binti Mohamad Sofi

FOTOGRAFI

Ahmad Fadhli bin Yahya

REKA & CETAK

D'MACRIZ COMMUNICATION
016 346 5846 / 019 377 5044

Majlis Dialog Bajet Negeri Selangor 2013

Bertempat di Hotel Grand Dorsett Subang pada 2 dan 3 Julai 2012 telah diadakan Majlis Dialog Bajet Negeri Selangor 2013. Majlis dialog tersebut telah dihadiri oleh YAB Dato' Menteri Besar Selangor.

YAB Tan Sri Dato' Seri Abdul Khalid Bin Ibrahim, Ahli-Ahli EXCO Kerajaan Negeri, Adun-Adun, Ahli Parlimen, Pegawai-Pegawai Daerah, Ketua-Ketua Jabatan, Ahli Majlis, JKKA dan syarikat swasta.

Sesi dialog tersebut telah dimulakan dengan taklimat khas oleh Encik Lee Heng Guie dari Regional Head Of Economics Research, CIMB Investment Bank Berhad yang bertajuk "Ekonomi Malaysia Dan Global". Sesi dialong selama 2 hari tersebut telah dibahagikan kepada 10 sindiket dan juga 2 forum telah diadakan pada hari kedua majlis dialog.

Antara topik yang dibentangkan pada sesi dialog kali ini ialah "Industrial Development In Selangor" yang dibentangkan oleh Encik Hasan Azhari Hj. Idris selaku Ketua Pegawai Eksekutif Selangor State Investment Centre (SSIC).

Diantara topik menarik yang dibincangkan ialah "Rumah Kos Rendah vs Rumah Mampu Milik: Ke Arah Memenuhi Kehendak Dan Keperluan Rakyat Atau Pasaran? ".Pembentang bagi sesi ini ialah Dr. Syafiee Bin Shuid selaku Pensyarah Universiti Islam Antarabangsa Malaysia (UIAM) dan Y.B. Tuan Iskandar Bin A. Samad bertindak sebagai moderator .

Isu hangat berkenaan industri air di Selangor telah dibincangkan dalam forum bertajuk "Penyusunan Semula Industri Air Di Negeri Selangor: Kaedah Penyelesaiannya". Moderator bagi forum ini ialah:

Y.B. Tuan Dr. Xavier Jayakumar dan panel-panelnya ialah Y.B. Tuan Charles Santiago selaku Ahli Parlimen Klang, Encik Nor Azmie Bin Diron selaku Timbalan Pengarah Seksyen Makro Dan Penswastaan UPEN dan Encik Suhaimi Bin Kamalzaman selaku Presiden Kumpulan Darul Ehsan Berhad (KDEB).





Seminar Pengurusan Tataterib Pejabat Setiausaha Kerajaan Negeri Selangor

Pada 02 Julai yang lalu bertempat di Bilik Gerakan Bangunan Annex, Bahagian Pengurusan Sumber Manusia selaku urus setia telah mengadakan Seminar Pengurusan Tataterib yang dihadiri oleh pelbagai agensi kerajaan.

Seminar yang berlangsung selama lima jam ini disampaikan oleh Profesor Madya Abdul Aziz bin Husin, Pensyarah Universiti Sains Malaysia, Pulau Pinang.

Antara objektif seminar ini adalah untuk memberi pemahaman tentang konsep tataterib dalam perkhidmatan awam. Selain itu, ia juga menekankan peranan dan tanggungjawab majikan atau ketua jabatan dalam membuat keputusan tentang tindakan tataterib yang perlu diambil terhadap kakitangan yang melanggar peraturan.

Impak dari seminar ini adalah diharap pegawai dan kakitangan dapat menggalas tanggungjawab dan memberi perkhidmatan yang terbaik kepada majikan dan orang awam secara khususnya. Di samping itu juga, kelakuan dan jati diri yang baik menjadikan kita insan yang positif dan tugas-tugas yang diberikan menjadi lebih produktif.

Majlis Apresiasi Pelancongan Selangor 2012



Pada 8 Julai 2012 di Ballroom, De Palma Hotel, Shah Alam telah berlangsung Majlis Apresiasi Pelancongan Selangor 2012 anjuran Jawatankuasa Tetap Pelancongan Negeri Selangor. Majlis tersebut telah dihadiri oleh YAB Dato' Menteri Besar Selangor, YAB Tan Sri Abdul Khalid Bin Ibrahim, Y.B Elizabeth Wong selaku EXCO Pelancongan Selangor dan Pengurus Besar Tourism Selangor, Puan Noorul Asyikin.

Tujuan majlis ini diadakan adalah untuk memberi penghargaan kepada pihak-pihak yang telah memberi banyak sumbangan kepada Kerajaan Negeri Selangor. Penerima-penerima penghargaan juga dibahagikan kepada beberapa kategori diantaranya ialah kategori hotel, homestay, pelancongan pendidikan, pelancongan sukan, pelancongan kesihatan dan media.

Panel-panel yang terlibat dalam pemilihan penerima terdiri daripada Tourism Malaysia, Tourism Selangor, Pihak Berkuasa Tempatan, MATTA, Jabatan Kesihatan dan Unit Perhubungan Awam Bahagian Korporat.

Penerima-penerima apresiasi juga dipilih melalui beberapa kriteria dimana kriteria utama adalah sumbangan yang paling banyak diberikan kepada Kerajaan Negeri Selangor dan juga terlibat dengan program-program Kerajaan Negeri Selangor. Diantara penerima-penerima Apresiasi Pelancongan Selangor 2012 adalah Hotel Concorde, Shah Alam Convention Centre, TV Selangor, Karangkraf Sdn. Bhd, Sepang Gold Coast dan Selangor Culture Cove.

Konvensyen Inovatif & Kreatif

Peringkat Negeri Selangor



Konvensyen Inovatif & Kreatif Peringkat Negeri Selangor telah berlangsung selama 2 hari pada 10 & 11 Julai 2012 di Dewan Jubli Perak, Sultan Abdul Aziz, Shah Alam. Konvensyen yang dilancarkan oleh YB Setiausaha Kerajaan Negeri, YB Dato' Haji Mohammed Khusrin bin Haji Munawi ini, disertai oleh 33 kumpulan yang terbahagi kepada 2 kategori. 15 kumpulan bagi Kategori Pengurusan dan 18 kumpulan Kategori Teknikal. Penyertaan terbuka kepada Jabatan Negeri, Jabatan Persekutuan, Pihak Berkuasa Tempatan dan Badan Berkanun.

Konvensyen ini diperkenalkan dalam perkhidmatan awam pada tahun 1984 di atas kesedaran tentang peranan serta sumbangannya di dalam peningkatan kualiti khususnya di dalam penyelesaian masalah serta pembinaan semangat berpasukan. Konvensyen Inovatif & Kreatif Peringkat Negeri Selangor dilaksanakan pada setiap tahun sebagai satu langkah bagi mendorong kaitangan awam di negeri Selangor bagi memperkenalkan cara kerja baru yang lebih cekap dan berkesan serta menghasilkan **output** dan **outcome** yang mempunyai impak tinggi.

Konvensyen ini telah dinilai oleh panel penilai daripada Lembaga Tabung Haji, **Malaysia Productivity Corporation** (MPC), Persatuan Nelayan Kebangsaan, Universiti Teknologi Mara dan SIRIM Berhad. YB Setiausaha Kerajaan Negeri turut meluangkan sedikit masa dengan melawat ke ruangan pameran kumpulan yang menyertai Konvensyen tersebut.

Kumpulan EZSPEX dari Jabatan Pelajaran Negeri Selangor menjadi johan bagi Kategori Pengurusan dengan kutipan markah sebanyak 78.51%. Diikuti Kumpulan Evolusi Perkasa dari Penjara Sungai Buloh dengan markah 76.67% dan tempat ketiga Kumpulan Mediprima dari Pusat Perubatan Universiti Malaysia dengan markah 75.81%.

Bagi Kumpulan Teknikal, Kumpulan Protek 2 dari Institut Penyelidikan dan Kemajuan Pertanian Malaysia (MARDI) mendahului kumpulan lain dengan 81.61% markah. Tempat Kedua pula Kumpulan CEKS dari Jabatan Kastam Diraja Malaysia Negeri Selangor mengutip sebanyak 80.50% markah dan Kumpulan PK Tech dari Majlis Perbandaran Ampang Jaya menduduki tempat ketiga dengan markah 75.27%.

Berdasarkan syarat-syarat kelayakan bahawa hanya Jabatan atau Agensi dari Kerajaan Negeri yang layak untuk mewakili negeri ke Konvensyen KIK Perkhidmatan Awam Peringkat Kebangsaan Ke-29 2012, Kumpulan UNA VOCE dari Majlis Perbandaran Selayang mewakili Kategori Pengurusan dan Kumpulan PK TECH dari Majlis Perbandaran Ampang Jaya bagi Kategori Teknikal telah dipertimbangkan untuk menjadi wakil bagi konvensyen tersebut.

Kenyataan Media: Majlis Konvensyen Kumpulan Inovatif Dan Kreatif (KIK) Perkhidmatan Awam Peringkat Negeri Selangor Darul Ehsan Ke 25 Tahun 2012

Konvensyen Kumpulan Inovatif dan Kreatif (KIK) Perkhidmatan Awam Peringkat Negeri Selangor Darul Ehsan Ke 25 Tahun 2012 diadakan pada 10 hingga 11 Julai 2012 bertempat di Dewan Jubli Perak, Shah Alam. Konvensyen KIK Peringkat Negeri Selangor ini adalah merupakan kali yang ke 25 diadakan. Sebanyak 33 kumpulan telah bertanding bagi dua kategori iaitu 15 kumpulan bagi kategori pengurusan dan 18 kumpulan kategori teknikal daripada pelbagai jabatan dan agensi kerajaan di Negeri Selangor.

Konvensyen KIK Peringkat Negeri diadakan dengan bertujuan untuk menerapkan budaya inovasi dan kreativiti kepada jabatan-jabatan kerajaan di samping sebagai salah satu langkah bagi mendorong warga kerja di Negeri Selangor untuk memperkenalkan cara kerja baru yang lebih cekap dan berkesan serta menghasilkan **output** dan **outcome** yang mempunyai impak tinggi. Secara tidak langsung konvensyen KIK juga adalah platform kepada jabatan-jabatan sebagai hub perkongsian idea baharu antara satu sama lain dalam meningkatkan sistem kerja. Melalui konvensyen ini juga, kumpulan yang berjaya akan dipilih untuk mewakili Negeri Selangor ke pertandingan konvensyen KIK peringkat kebangsaan yang dijangka akan diadakan pada 5 hingga 7 November 2012 di Langkawi, Kedah Darul Aman.

Pada konvensyen kali ini format Skema Pemarkahan yang baru telah diperkenalkan seperti berikut:

BIL	KATEGORI PEMARKAHAN	% PEMARKAHAN
1.	Pemeriksaan Projek KIK <ul style="list-style-type: none"> • Pemeriksaan terhadap validitasi data dan sumber data projek • Pemeriksaan terhadap penyeragaman projek dan penilaian kumpulan 	30
2.	Penilaian Projek KIK Melalui Dokumentasi <ul style="list-style-type: none"> • Penilaian ini diadakan secara bersemuka antara panel dan peserta berdasarkan dokumentasi projek 	40
3.	Penilaian Persembahan Projek KIK <ul style="list-style-type: none"> • Penilaian ke atas keberkesanan mempersempemangkan projek selama 10 minit semasa konvensyen 	20
4.	Penilaian Pameran Projek KIK <ul style="list-style-type: none"> • Penilaian ke atas kreativiti dan inovasi kumpulan dalam mempamerkan dan mempromosikan projek yang dipertandingkan 	10

Ganjaran dan pengiktirafan yang akan diterima oleh peserta KIK adalah seperti berikut:

Kategori Pengurusan & Kategori Teknikal

> Johan

RM 9,000

- + Piala Pusingan
- + Piala Iringan
- + Sijil Penghargaan

> Naib Johan

RM 7,000

- + Piala Pusingan
- + Piala Iringan
- + Sijil Penghargaan

> Ketiga

RM 5,000

- + Piala Pusingan
- + Piala Iringan
- + Sijil Penghargaan

Kategori Pameran Terbaik

> Tempat pertama

RM 1,000

- + Sijil Penghargaan

Senarai peserta konvensyen bagi kategori pengurusan dan teknikal adalah seperti berikut:

Kategori Pengurusan

NAMA KUMPULAN	JABATAN/AGENSI
TERBYTE	Majlis Perbandaran Klang
SHARP TARGET	Majlis Perbandaran Selayang
EZSPEX	Jabatan Pelajaran Negeri Selangor
EVOLUSI PERKASA	Penjara Sungai Buloh
UNA VOCE	Majlis Perbandaran Selayang
GURUH	Perbadanan Hal Ehwal Bekas Angkatan Tentera (PERHEBAT)
MEDIPRIMA	Pusat Perubatan Universiti Kebangsaan Malaysia (PPUKM)
MYQ	Penjara Kajang
C2-10	Jabatan Imigresen Malaysia
VIP	Majlis Perbandaran Sepang
PHP	Majlis Perbandaran Subang Jaya
THE FAME	Politeknik Sultan Salahuddin Abdul Aziz Shah
I'IDEAL	Majlis Daerah Kuala Langat
INSPIRA	Jabatan Penilaian dan Perkhidmatan Harta
WANTED	Pejabat Kebajikan Masyarakat Daerah Kuala Langat



Kategori Teknikal

NAMA KUMPULAN	JABATAN/AGENSI
SYUKUR	Majlis Perbandaran Ampang Jaya
CEKS	Jabatan Kastam Diraja Malaysia Negeri Selangor
MEGA	Jabatan Pengairan dan Saliran Daerah Kuala Langat
ANGGERIK	Jabatan Pendaftaran Negara Negeri Selangor
3G	Majlis Perbandaran Klang
E-ONE	Jabatan Kerja Raya Daerah Klang
NURMINDA	Pusat Latihan Pengajar dan Kemahiran Lanjutan (CIAST)
INTELEK	Majlis Perbandaran Subang Jaya
PROTEK 2	Institut Penyelidikan dan Kemajuan Pertanian Malaysia (MARDI)
WIBAWA	Perbadanan Hal Ehwal Bekas Angkatan Tentera (PERHEBAT)
BENUA CIPTA	Pusat Perubatan Universiti Kebangsaan Malaysia (PPUKM)
APIS MELLIFERA	Politeknik Sultan Salahuddin Abdul Aziz Shah
V-DINAMIK	Jabatan Perkhidmatan Veterinar Negeri Selangor
CYBER CREW	Majlis Perbandaran Sepang
DELIMA	Jabatan Kerja Raya Daerah Sabak Bernam
TRIANGLE PARADIGM	Majlis Daerah Kuala Langat
PK TECH	Majlis Perbandaran Ampang Jaya
F TRANSFORM	Ibu Pejabat Polis Daerah Petaling Jaya





Warga SUK Meriahkan Program Jom Makan Buah

“Musim buah” kembali lagi, Kerajaan Negeri di bawah Jawatankuasa Tetap Permodenan Pertanian telah menganjurkan program Pesta Buah-Jom Makan Buah-Buahan Tempatan secara percuma di pekarangan Pejabat SUK berhadapan Dewan Annex pada 12 Julai 2012 yang lalu bermula dari pukul 1.00 tengah hari hingga 3.00 petang.

Hampir 10 tan buah-buahan tempatan diantaranya buah durian, rambutan, manggis dan langsat dibawa terus dari dusun untuk membolehkan Warga SUK menikmati buah-buahan tempatan yang masih segar selepas dipetik sepuas-puasnya secara percuma.

Program ini bertujuan memartabatkan buah-buahan tempatan berbanding buah import, di samping menyemarakkan lagi musim buah di Negara kita. Program tersebut turut diserikan dengan kehadiran Y.A.B Tan Sri Dato’ Seri Abdul Khalid Bin Ibrahim, Dato’ Menteri Besar Selangor, YB Dato’ Haji Mohammed Khusrin bin Haji Munawi, Setiausaha Kerajaan Negeri, dan barisan Ahli-Ahli Mesyuarat Kerajaan Negeri.

Program seumpama ini boleh dikatakan diadakan pada setiap tahun oleh Pejabat SUK. Lebih dari 500 warga SUK dan tetamu-tetamu yang menghadiri Program Jom Makan Buah ini.

Pejabat SUK Terima Kunjungan Pelajar Sekolah



Pejabat Setiausaha Kerajaan Negeri telah menerima kunjungan lawatan sambil belajar dari Sekolah Menengah Confucion (Private School) pada 13 Julai 2012, Jumaat yang lalu. Lawatan tersebut diketuai oleh Cik Chia Ying Hong tiba di Ruang Legar Pejabat SUK pada jam 8.00 pagi dan telah disambut oleh En. Teh Yee Keong dari Pejabat Dato' Menteri Besar.

Dihadiri seramai 45 orang pelajar Tingkatan Lima dan diiringi dengan 4 orang guru bertujuan untuk memberi peluang kepada para pelajar sekolah memahami dasar pemerintahan Kerajaan Negeri Selangor.

Di awal kunjungan, para pelajar di bawa melawat Bangunan Dewan Negeri Selangor. Para pelajar diberi penerangan berkenaan fungsi dewan dan sejarah penubuhan Dewan Undangan Negeri.

Setelah itu, para pelajar berpeluang beramah mesra bersama Speaker Dewan Negeri Selangor, Y.B Dato' Teng Chang Khim untuk mengetahui dengan lebih lanjut berkenaan dengan fungsi beliau sebagai Speaker bagi Kerajaan Negeri Selangor. Lawatan tersebut telah diserikan dengan pemberian cenderamata daripada Cik Chia Ying Hong yang mewakili rombongan lawatan kepada, Y.B Dato' Teng Chang Khim sebagai tanda penghargaan.

Seterusnya para pelajar berpeluang melawat Pejabat EXCO dan mendapat penerangan berkenaan dengan fungsi setiap EXCO. Lawatan tersebut diakhiri dengan sesi bergambar dan pemberian cenderamata kepada semua pelajar.



Program Santai Bersama Ustaz Don Daniyal

Program Santai Wakaf Bersama Ustaz Don Daniyal Bin Don Biyajid, bersempena Menyambut Ramadhan Al-Mubarak anjuran Pejabat Setiausaha Kerajaan Negeri Selangor yang bertempat di Auditorium Dewan Jubli Perak, Bangunan Sultan Abdul Aziz, Shah Alam telah diadakan pada 27 Julai 2012. Ustaz Don selaku Duta Wakaf Selangor telah menerangkan secara terperinci berkenaan wakaf kepada kakitangan Pejabat Setiausaha Kerajaan Negeri Selangor.

Dalam ceramah tersebut, Ustaz Don menyentuh tentang maksud wakaf dimana wakaf adalah berasal dari perkataan wakafa yang bermaksud berhenti atau tertahan. Wakaf diertikan sebagai satu amalan menyerahkan harta yang dimiliki untuk kegunaan atau manfaat orang ramai. Wakaf juga merupakan satu cabang ibadah kerana tujuan asas amalan wakaf adalah untuk mendekatkan diri dan mendapat keredhaan Allah S.W.T. dengan cara membelanjakan harta ke jalan Allah.

Justeru itu, mekanisme wakaf adalah merupakan satu ibadah yang mempunyai asas agama yang mendalam. Dimana para fuqaha berpandangan bahawa amalan wakaf mempunyai dua objektif asas iaitu menyumbang kepada pembangunan masyarakat dan pewakaf akan menerima ganjaran pahala yang berkekalan dan berterusan hingga ke hari akhirat.

Diakhir ceramah, Ustaz Don turut menerangkan kaedah dan prosedur kepada peserta-peserta yang hadir yang ingin bersama-sama menyertai Saham Wakaf Selangor.



“Ustaz Don menyentuh tentang maksud wakaf dimana wakaf adalah berasal dari perkataan wakafa yang bermaksud berhenti atau tertahan”



Majlis Perhimpunan Bulanan Jabatan-Jabatan Kerajaan Negeri Selangor & Pelancaran **Kempen Kibar Jalur Gemilang** Peringkat Negeri Selangor



Pada 23 Julai 2012 bersamaan 3 Ramadhan 1433H yang lalu, bertempat di Auditorium, Dewan Jubli Perak, Sultan Abdul Aziz, telah berlangsung Majlis Perhimpunan Bulanan Jabatan-Jabatan Kerajaan Negeri Selangor Dan Pelancaran Kempen Kibar Jalur Gemilang Peringkat Negeri Selangor, yang dihoskan oleh Lembaga Perumahan Dan Hartanah Selangor (LPHS).

Majlis perhimpunan tersebut dihadiri oleh Menteri Besar Selangor, Y.A.B. Tan Sri Dato' Seri Abdul Khalid Bin Ibrahim, Setiausaha Kerajaan Negeri Selangor, YB Dato' Hj Mohammed Khusrin Bin Hj Munawi, barisan Exco-Exco Kerajaan Negeri Selangor, Ketua-Ketua Jabatan, pegawai dan kakitangan serta wakil media.

Majlis dimulakan dengan ucapan alu-aluan oleh Ketua Pengarah Eksekutif LPHS, Y.Bhg. Datin Paduka Alinah Binti Ahmad. Sejurus selepas itu, majlis diteruskan dengan penyampaian Amanat Dan Perasmian Pelan Strategik LPHS 2012-2022 dan Pelancaran Kempen Kibar Jalur Gemilang Peringkat Negeri Selangor oleh Menteri Besar Selangor, Y.A.B. Tan Sri Dato' Seri Abdul Khalid Bin Ibrahim. Penyerahan Jalur Gemilang dan Cenderamata oleh Menteri Besar mengakhiri Majlis Perhimpunan Bulanan tersebut.



Ceramah Bulanan **Pemakanan Seimbang**



Pada 03 Ogos 2012 bertempat di Auditorium Dewan Jubli Perak, Bangunan Sultan Salahuddin Abdul Aziz Shah, Shah Alam telah diadakan Ceramah Bulanan Siri 2/2012 yang bertajuk "Pemakanan Seimbang" yang dianjurkan oleh Bahagian Pengurusan Sumber Manusia, Setiausaha Kerajaan Negeri Selangor.

Ceramah tersebut telah disampaikan oleh Puan Sorainee Binti Wahab, Penolong Pengarah Pemakanan daripada Bahagian Pemakanan, Kementerian Kesihatan Malaysia. Seramai 370 orang peserta telah hadir yang terdiri daripada semua Jabatan dan Agensi di bawah Pentadbiran Kerajaan Negeri Selangor, Pejabat Daerah Dan Tanah dan Pihak Berkuasa Tempatan.

Dalam sesi ceramah tersebut, Puan Sorainee telah menerangkan Pengambilan makanan yang tidak seimbang dan tidak sihat yang mendorong kepada berat badan berlebihan dan boleh membawa kepada pelbagai penyakit kronik seperti diabetes, darah tinggi, kolesterol, gout, sakit jantung dan sebagainya. Ini mengakibatkan badan tidak berkualiti dan julat umur yang pendek.

Beliau juga mengingatkan orang ramai supaya makan makanan yang seimbang di mana ia perlu merujuk kepada piramid makanan yang terdiri daripada komposisi karbohidrat, protein, lemak, vitamin, mineral, garam, gula dan serat, makan dengan kombinasi pelbagai makanan dan amalkan makan secara sederhana. Pengambilan gula, garam dan bahan pengawet yang berlebihan adalah tidak elok untuk kesihatan, ia juga boleh menyebabkan berat badan berlebihan dan tekanan darah tidak stabil.

Sumber tenaga utama harus diambil dari bijirin iaitu jenis bijirin mil penuh. Kekacang adalah sumber serat dan protein yang baik dan kurangkan pengambilan makanan yang digoreng dengan berendamkan minyak, sebaliknya pilih makanan yang rendah lemak dan kolesterol. Di samping itu, amalkan meminum air kosong setiap hari dan tingkatkan pengambilan makanan yang tinggi serat seperti buah-buahan dan sayur-sayuran untuk mendapat cukup vitamin dan mineral.



Diskusi Wanita: **Aurat, Fesyen & Syariat**

Bertempat di Auditorium Dewan Jubli Perak, Shah Alam,pada 7 Ogos yang lalu PUSPANITA Negeri Selangor telah mengadakan satu diskusi wanita bertajuk Aurat, Fesyen dan Syariat.

Wanita dan fesyen sememangnya tidak dapat dipisahkan.walaubagaimanapun ia perlulah selari dengan kehendak Islam. Diskusi ini antaranya adalah bertujuan memberi pendedahan dan kefahaman kepada kaum wanita terhadap amalan menutup aurat yang dibenarkan dalam Islam.

Disamping itu diskusi ini juga memberi peluang kepada ahli PUSPANITA untuk merungkai segala salah faham dan amalan terbaik dalam menutup aurat yang tidak bertentangan dengan syariat Islam.

Diskusi mengenai Fesyen Dan Syariat disampaikan oleh Y.Bhg AF Ustaz Abdul Hadi Bakri Abdullah manakala diskusi mengenai Aurat disampaikan oleh Prof.Madya Sharifah Zahrah Syed Mohamed dengan dihadiri oleh 600 orang ahli PUSPANITA Negeri dan Daerah.



Majlis Penyerahan **Bonus Simpanan Selangorku**

Pada 8 Ogos 2012, Rabu jam 1.00 petang di Ruang Legar Bangunan Sultan Salahuddin Abdul Aziz Shah telah diadakan Majlis Penyerahan "Bonus Simpanan Selangorku". Majlis ini merupakan acara simbolik penyerahan bonus Simpanan Selangorku kepada semua penjawat awam di Selangor yang telah disampaikan oleh Y.A.B Dato' Menteri Besar Selangor.

Semasa majlis penyerahan ini berlangsung, 10 penerima yang beragama Islam telah menerima Bonus Simpanan Selangorku yang bernilai RM200 dalam bentuk Buku Simpanan Tabung Haji manakala 10 penerima dari pelbagai bangsa telah menerima bonus yang sama dalam bentuk Sijil Simpanan Premium. Pengarah Bank Simpanan Nasional juga telah menyampaikan Mock Sijil Simpanan Premium kepada Y.A.B Dato' Menteri Besar Selangor.





Bersempena menyambut Syawal 1433H yang lalu, PUSPANITA Negeri Selangor telah berbesar hati memberi sumbangan kebajikan kepada ahli PUSPANITA yang telah menjadi ibu tunggal dan mempunyai anak istimewa.

Sumbangan ini adalah bagi meringankan beban dan menggalakkan ahli-ahli PUSPANITA yang lain beramal dengan membantu rakan-rakan yang memerlukan.

Sumbangan disampaikan oleh Timbalan Pengurus PUSPANITA Negeri Selangor, Y,Bhg Datin Dely Zarina bt Kasim.



Sumbangan Kebajikan Kepada Ahli **PUSPANITA** iaitu Ibu Tunggal, Anak-Anak Yatim & Anak-Anak Istimewa Sempena Menyambut Syawal

Majlis Penyampaian Sumbangan Kebajikan Sempena Menyambut Syawal 1433H kepada ahli-ahli PUSPANITA iaitu, Ibu Tunggal, Anak-anak Yatim dan Anak-anak Istimewa yang telah diadakan pada 10 Ogos 2012 di Surau SUK, Bangunan SSAAS, Shah Alam.



Majlis Rumah Terbuka **Dato Menteri Besar Selangor** Sempena **Hari Raya AIDILFITRI**

Majlis Rumah Terbuka Hari Raya Aidilfitri bagi Kerajaan Negeri Selangor telah diadakan pada 1 syawal 1433 iaitu 19 Ogos 2012 bertempat di Perkarangan Bangunan SUK Selangor.

Perkarangan Bangunan SUK Selangor mula dibanjiri oleh para pengunjung dari pelbagai kaum sejak awal pagi. Para pengunjung yang hadir tidak melepaskan peluang bersalaman dengan YAB Tan Sri Dato' Seri Abdul Khalid Bin Ibrahim, Dato' Menteri Besar Selangor dan isteri YBhg Puan Sri Datin Seri Salbiah Binti Tunut dalam suasana yang cukup ceria dan harmoni sekali. Selain daripada itu, majlis tersebut turut dihadiri YB Dato' Haji Mohammed Khusrin bin Haji Munawi, Setiausaha Kerajaan Negeri, dan barisan Ahli-Ahli Mesyuarat Kerajaan Negeri.

Sempena sambutan Rumah Terbuka Aidilfitri Merdeka yang berlangsung dari jam 8.00 pagi hingga 4.00 petang itu, orang ramai juga turut disajikan dengan pelbagai juadah termasuk ketupat, rendang, lemang, kebab, kambing bakar, dan sate, selain dari nasi goreng, laksa, bihun, teh tarik, kuih-kuih raya, cendol dan lain-lain. Di samping menjamu selera, para pengunjung turut dihiburkan dengan alunan muzik dari kumpulan kugiran yang ditempah khas bagi menyampaikan lagu-lagu hari raya.

Sambutan Rumah Terbuka Aidilfitri di Perkarangan Bangunan SUK Selangor ini jelas menunjukkan dan menyerlahkan semangat perpaduan dan patriotik yang cukup kental di kalangan masyarakat berbilang bangsa bagi meraikan Aidilfitri.





Majlis Perasmian Program Kempen Anti Zina Siri 7

Kempen Anti Zina merupakan salah satu aktiviti yang dirancang dibawah Program Generasi Idaman Selangor (GeMS). Ia merupakan satu program khusus yang diwujudkan di bawah Jawatankuasa Tetap Pendidikan, Pendidikan Tinggi dan Pembangunan Modal Insan untuk menangani isu gejala sosial yang melanda masyarakat masa kini.

Program Kempen Anti Zina telah dirasmikan pada 30 Ogos 2012 bertempat di Lobi Bangunan SSAAS, Shah Alam. Kempen pada hari tersebut merupakan kempen kali yang ketujuh telah dilaksanakan oleh Kerajaan Negeri Selangor. Majlis tersebut telah dirasmikan oleh Y.B Dr. Hajah Halimah Ali merangkap Pengerusi Jawatankuasa Tetap Pendidikan, Pendidikan Tinggi dan Pembangunan Modal Insan.

Kempen ini merupakan satu usaha bersepdua dan menyeluruh dimana ia melibatkan aspek pencegahan dan penguatkuasaan. Dengan pelaksanaan kempen seumpama ini yang dijalankan secara berterusan dari semasa ke semasa membuktikan bahawa Kerajaan Negeri Selangor sangat serius dalam menangani isu gejala sosial di Selangor bagi mewujudkan persekitaran yang selamat, aman dan harmoni.

Bagi menjayakan kempen tersebut, pihak jawatankuasa telah mendapat kerjasama yang baik dari Pejabat Daerah, Jabatan Agama Islam Selangor (JAIS), Pihak Berkuasa Tempatan, Polis Diraja Malaysia (PDRM), RELA dan beberapa jabatan dari NGO yang berkaitan dalam penguatkuasaan.

Dalam ucapan, Y.B Dr. Hajah Halimah Ali mengharapkan dengan langkah yang diambil pada hari ini yang digerakkan ke seluruh Negeri Selangor dapat mengurangkan aktiviti seks luar nikah di kalangan remaja, seterusnya membendung kadar kelahiran anak luar nikah dan juga pembuangan bayi terutamanya yang melibatkan remaja beragama Islam. Diakhir program, majlis diserikan dengan pelepasan konvoi bermotor oleh Y.B Dr. Hajah Halimah Ali



Bersempena Hari Kemerdekaan yang akan disambut setiap tahun pada 31 Ogos, satu Sambutan Bulan Kemerdekaan Ke 55 Dan Sambutan Hari Malaysia telah diadakan sebagai sambutan peringkat Negeri Selangor .

Sambutan kemerdekaan tahun ini bertemakan "Sebangsa, Senegara, Sejiwa : Terima Kasih Rakyat, Selangorku Terus Maju". Tema ini adalah tema yang dipersetujui oleh Dato' Menteri Besar.

Sambutan ini telah dihadiri oleh Menteri Besar Selangor, YAB Tan Sri Abdul Khalid Ibrahim dan isteri, Penasihat Ekonomi Selangor, Datuk Seri Anwar Ibrahim serta isteri, Setiausaha Kerajaan Negeri, YB Dato' Haji Mohammed Khusrin bin Haji Munawi, Seluruh barisan EXCO Kerajaan Negeri, ADUN-ADUN serta orang awam.

Pada malam tersebut sebanyak 53 kumpulan dan 7 kumpulan pancaragam dari sekolah-sekolah di Selangor menyertai acara perbarisan. Diantaranya ialah Pihak Berkuasa Tempatan (PBT), Jabatan Bomba, Pejabat Daerah dan Tanah Selangor, Tenaga Nasional Berhad, Proton, Kolej Universiti Islam Antarabangsa Selangor (KUIS), Unisel dan lain-lain.

Acara sambutan turut dimeriahkan lagi dengan laungan 'merdeka' sebanyak 7 kali oleh Dato' Menteri Besar Selangor dan pertunjukan bunga api pada malam tersebut mengakhiri Sambutan Bulan Kemerdekaan Ke 55 Dan Sambutan Hari Malaysia Peringkat Negeri Selangor Tahun 2012.

Sambutan **Bulan Kemerdekaan Ke 55 & Sambutan Hari Malaysia**

Peringkat Negeri Selangor Tahun 2012

Hari Bertemu Pelanggan Bersepadu Peringkat Pentadbiran Kerajaan Negeri Selangor



Pada 1-2 September 2012 yang lalu, Kerajaan Negeri melalui Seksyen Aduan Bahagian Korporat telah menganjurkan Program Hari Bertemu Pelanggan Bersepadu Peringkat Pentadbiran Kerajaan Negeri bertempat di Ruang Legar PKNS, Shah Alam bermula dari pukul 10.00 pagi hingga 10.00 malam yang berkonsepkan turun padang bagi mendekati masyarakat setempat.

Program yang diadakan selama 2 hari ini, merupakan satu pendekatan yang holistik untuk menawarkan perkhidmatan melalui interaksi dan perhubungan yang mesra, telus, cekap dan mencapai sasaran bagi mempertingkatkan kualiti pentadbiran Kerajaan Negeri Selangor.

Program ini bukan sahaja melibatkan kaunter Aduan Bahagian Korporat, malah turut melibatkan 21 kaunter dari jabatan/agensi Kerajaan Negeri yang lain seperti Pejabat Tanah dan Galian Negeri Selangor, Jabatan Perancangan Bandar & Desa Negeri Selangor (JPBD), Jabatan Penilaian & Perkhidmatan Harta Negeri Selangor, Jabatan Imigresen Malaysia, Perbadanan Perpustakaan Awam Negeri Selangor, Jabatan Bantuan Guaman Selangor, Lembaga Urus Air Selangor (LUAS), Yayasan Warisan Anak Selangor (YAWAS), Rantaian Mesra Sdn. Bhd. (SMUE), Universiti Selangor (UNISEL) dan lain-lain lagi.

Tujuan hari bertemu Pelanggan diadakan adalah untuk mendapatkan maklumbalas pelanggan berkaitan perkhidmatan yang disediakan oleh jabatan/agensi di bawah Kerajaan Negeri Selangor serta masyarakat setempat berpeluang mendapatkan informasi, perkhidmatan, khidmat nasihat dan membuat aduan atau menyatakan ketidakpuasan hati secara terus kepada jabatan/agensi yang terlibat.

Selain daripada itu, ianya bertujuan mendapatkan cadangan bagi mengambil langkah-langkah penampaikan serta meningkatkan mutu perkhidmatan sesebuah jabatan/agensi di bawah Kerajaan Negeri.

Pada hari berkenaan kaunter Aduan Bahagian Korporat telah menerima 4 aduan daripada orang ramai iaitu terdiri daripada aduan jalan rosak, permohonan pembinaan kunci air, pembersihan sungai, dan penyelenggaraan longkang yang tersumbat.

Pelbagai program dan aktiviti yang telah dijalankan bagi menarik minat orang awam diantaranya ialah menyediakan cenderahati kepada pengunjung-pengunjung yang mendaftar dan melibatkan diri dalam acara-acara yang disediakan oleh pihak urus setia, jabatan serta agensi. Program turut diserikan dengan kehadiran YB Dato' Haji Mohammed Khusrin bin Haji Munawi, Setiausaha Kerajaan Negeri,

Majlis Jamuan Hari Raya Aidilfitri PUSPANITA Negeri Selangor

04 September 2012 bersamaan 17 Syawal 1433H, PUSPANITA Negeri Selangor telah mengadakan Jamuan Hari Raya Aidilfitri bertempat di Dewan Bankuet, Dewan Jubli Perak.

Disamping mengeratkan hubungan diantara ahli-ahli PUSPANITA, jamuan hari raya ini juga disambut bersama anak-anak yatim serta menyampaikan sumbangan duit raya.

Jamuan Hari Raya ini turut diserikan dengan kehadiran YB Setiausaha Kerajaan Negeri Selangor merangkap Penasihat PUSPANITA Negeri Selangor serta ahli PUSPANITA negeri dan daerah kira-kira 1100 orang.



Rumah Terbuka YB SUK

Majlis Rumah Terbuka YB Setiausaha Kerajaan Negeri Selangor (SUK) YB Dato' Hj. Mohammed Khusrin Bin Hj. Munawi, telah diadakan pada 07 September 2012, yang bermula dari jam 3.00 petang yang bertempat di kediaman rasmi Dato' SUK di Seksyen 7, Shah Alam. Tetamu yang hadir disambut oleh Dato' dan Datin selaku tuan rumah dan Bahagian Khidmat Pengurusan sebagai urusetia. Majlis turut dimeriahkan lagi dengan kehadiran Ketua-Ketua Jabatan Kerajaan Negeri dan Persekutuan, wakil Agensi Kerajaan Negeri dan Persekutuan dan kakitangan Pejabat SUK Selangor.





Mailis Penutup Kejohanan Golf

Worldwide Holdings Selangor Masters 2012



Pada 8 September 2012 bertempat di Kota Permai Golf & Country Club, Kota Kemuning, Shah Alam, telah berlangsung Majlis Penutup Kejohanan Golf Worldwide Holdings Selangor Masters 2012. Sultan Selangor, DYMM Sultan Sharafuddin Idris Shah Alhaj Ibni Almarhum Sultan Salahuddin Abdul Aziz Shah Alhaj telah berkenan mencemar duli ke majlis tersebut. Turut hadir ialah YAB Tan Sri Dato' Seri Abdul Khalid bin Ibrahim, Dato' Hj. Mohamad Khusrin Bin Hj. Munawi, Exco Belia dan Sukan, Dr. Ahmad Yunus Hairi dan Datuk Bandar Shah Alam Datuk Mohd Jaafar Mohd Atan.



Kejohanan Golf Worldwide Holdings Selangor Masters merupakan acara tahunan dan pada tahun ini pemain golf dari Thailand, Thaworn Wiratchant dinobatkan sebagai juara mengalahkan 165 pemain dari serata dunia telah menerima hadiah berupa wang berjumlah RM190,200 dan piala pusingan. Tempat kedua dimenangi oleh Gaganjeet Bhullar dari India dan tempat ketiga dimenangi oleh Siddikur dari Bangladesh. Perlawanan tersebut telah mendapat penyertaan dari pemain golf profesional seperti Thailand, Amerika Syarikat, Australia, China, Taiwan, Bangladesh, Vietnam, India, Sepanyol, Filipina dan Finland.

DYMM Sultan Selangor, telah berkenan untuk menyampaikan hadiah kepada pemenang selepas pusingan terakhir pertandingan tersebut.



MAJLIS PENYAMPAIAN HADIAH
PERTANDINGAN REKABENTUK
BANGUNAN
SETIAUSAHA KERAJAAN
NEGERI SELANGOR (SUK 2)

Disampaikan Oleh
Y.A.B Tan Sri Dato' Seri Abdul Khalid Bin Ibrahim
Dato Menteri Besar Selangor
18 September 2012 (Selasa)



Pertandingan Reka Bentuk **Bangunan SUK**

Satu pertandingan Reka Bentuk Bangunan Setiausaha Kerajaan Negeri Selangor 2 (SUK 2) telah diadakan sepanjang bulan April sehingga Mei 2012. Pertandingan ini diilhamkan sendiri oleh YAB Dato' Menteri Besar Selangor bertujuan bagi mendapatkan satu rekabentuk bangunan yang dapat menempatkan kesemua Jabatan & Agensi Kerajaan di bawah satu bumbung. Disamping itu, masalah kekurangan ruang pejabat yang dialami pada masa kini dapat diatasi.

Objektif pertandingan ini adalah untuk mendapatkan pelbagai idea yang kreatif dan inovatif daripada Perunding Arkitek tempatan yang terkenal dan berpengalaman dalam bidang senibina bagi menghasilkan rekabentuk yang mampan dan lestari serta dapat dijadikan ikon Negeri Selangor.

Dari segi penilaian pula, ia dibahagikan kepada 2 peringkat iaitu penilaian oleh Juri Teknikal yang dipengerusikan oleh Pengarah JKR Selangor, Dato' IR Abdullah Bin Abd Rahman dan penilaian Juri Khas oleh YB Setiausaha Kerajaan Negeri, YB Dato' Haji Mohammed Khusrin bin Haji Munawi. Sebanyak 10 Firma Perunding Arkitek telah dipelawa untuk menyertai pertandingan ini, walau bagaimanapun hanya 7 Firma sahaja yang menghantar cadangan rekabentuk untuk dipertandingkan.

Majlis penyampaian hadiah pertandingan tersebut telah diadakan pada 18 September 2012 jam 2.00 petang. Hadiah pertandingan disampaikan oleh YAB Dato' Menteri Besar Selangor, Tan Sri Dato' Seri Abdul Khalid Bin Ibrahim. Beliau diiringi oleh Setiausaha Kerajaan Negeri dan Pengarah JKR Selangor.

Tempat pertama dimenangi oleh Kumpulan Arkitek Jururancang (M) Sdn. Bhd. Kumpulan tersebut berjaya mendapat hadiah berbentuk wang ringgit sebanyak RM50,000. Di tempat Kedua ialah Kumpulan Seni Bahri Arkitek dengan hadiah sebanyak RM30,000 dan RM25,000 untuk Kumpulan Veritas Architects Sdn. Bhd. untuk tempat Ketiga. Bagi tempat ke empat hingga tujuh, setiap kumpulan mendapat wang saguhati sebanyak RM5,000.





Pertandingan Reka Bentuk Rumah Mampu Milik Negeri Selangor

Pada 20 September 2012, suatu Majlis Anugerah Rekabentuk Rumah Mampu Milik Selangor telah diadakan bertempat di Ruang Legar Bangunan SSAAS, Shah Alam, Majlis tersebut telah dianjurkan oleh Lembaga Perumahan Dan Hartanah Selangor (LPHS).

Majlis yang diadakan ini merupakan majlis yang amat bermakna kerana ia merupakan satu daya usaha Kerajaan Negeri Selangor untuk merealisasikan konsep rumah yang mampu dimiliki oleh golongan yang berpendapatan rendah dan sederhana dari sudut bidang alam bina.

Ucapan aluan telah disampaikan oleh Y.B Tuan Iskandar Bin Abdul Samad selaku Pengurus Jawatankuasa Tetap Perumahan, Pengurusan Bangunan Dan Setinggan dan dirasmikan oleh YAB Tan Sri Dato' Seri Abdul Khalid Bin Ibrahim, Dato' Menteri Besar Selangor.

Menurut Y.B Tuan Iskandar dalam ucapannya, beliau berpendapat usaha ini membolehkan mahasiswa dan mahasiswi dari IPTA dalam bidang / kursus alam bina mencetuskan idea secara kreatif dan inovatif dalam merekabentuk rumah mampu milik berkoncepcan bangunan hijau 'green building' dan mampu untuk dimiliki oleh mereka yang berpendapatan rendah dan sederhana serta mengambilkira keperluan warga emas dan orang kelainan upaya (OKU).

Selain itu juga, pertandingan ini diadakan adalah bertujuan untuk mencari model / rekabentuk yang bersesuaian bagi menggambarkan ciri-ciri dan kriteria perumahan mampu milik yang selesa, mampan dan rekabentuk terkini serta melambangkan identiti tersendiri yang membezakan dengan kategori rumah mampu milik sedia ada masa kini berdasarkan spesifikasi yang ditetapkan dan mampu memenuhi segala keperluan yang diingini oleh warga Negeri Selangor.

Kerajaan Negeri telah memperuntukan sejumlah RM 32,000.00 sebagai hadiah bagi pemenang-pemenang reka bentuk rumah mampu milik ini bagi menunjukkan bahawa kerajaan negeri serius dalam menghasilkan konsep rekabentuk rumah mampu milik ini. Pada hari tersebut pemenang tempat pertama iaitu dari Kumpulan Super Block telah menerima hadiah RM 12,000.00, tempat kedua dari Kumpulan S&V Residence menerima hadiah RM 8,000.00 dan tempat ketiga dari kumpulan Urban Renewal Openness menerima RM 5,000.00 dan tempat ke-4 hingga ke-10 masing-masing menerima RM1,000.00. Setiap peserta yang terlibat juga telah menerima sijil penyertaan.

Anugerah Inovasi Sektor Awam Negeri Selangor (AISAS) Tahun 2012



Anugerah Inovasi Sektor Awam Negeri Selangor (AISAS) telah diperkenalkan kali pertama pada tahun 2010 yang bertujuan bagi memberi peluang kepada kakitangan dan jabatan-jabatan di bawah Pentadbiran Kerajaan Negeri Selangor dalam mencetus idea baru yang kreatif dan inovatif ke arah penambahbaikan penyampaian perkhidmatan sedia ada.

Penyertaan AISAS bagi tahun 2012 dibahagikan kepada 2 kategori iaitu Kategori Kumpulan Kecil dimana bilangan peserta bagi kategori ini adalah tidak melebihi 3 orang dan Kategori Jabatan dimana bilangan peserta bagi kategori ini adalah di antara 6 hingga 10 orang. Antara jabatan-jabatan yang mengambil bahagian ialah Majlis Bandaraya Shah Alam, Majlis Perbandaran Subang Jaya (Jabatan), Vektor Kesihatan MPSJ, Perbadanan Kemajuan Negeri Selangor, Pejabat Daerah/Tanah Kuala Langat (Jabatan), Jabatan Pengairan Dan Saliran Negeri Selangor dan Majlis Perbandaran Sepang (Jabatan) SOHO.

Lawatan pemeriksaan AISAS akan mewakili jumlah markah sebanyak 30% manakala Penilaian Akhir AISAS yang dicadangkan pada tarikh pada 9 hingga 10 Oktober 2012 akan mewakili jumlah markah sebanyak 70%. Lawatan pemeriksaan AISAS bermula pada 11 September 2012 dan berakhir pada 20 September 2012. Mekanisma penilaian AISAS 2012 dibahagikan kepada 3 peringkat. Peringkat pertama ialah tapisan penyertaan pada peringkat Urus Setia AISAS. Peringkat Kedua ialah Lawatan Pemeriksaan Hasil Inovasi oleh Fasilitator dan peringkat ketiga ialah Penilaian Akhir oleh Panel Penilai.

Antara tajuk cadangan dan hasil inovasi yang dipertandingkan ialah Memproses Permohonan Kelulusan Pelan Cadangan Banglo Baru (Individu) Mengambil Masa Yang Lama, e-PELEKAT, Cadangan Permohonan Pelan Setara Tambahan/Pindaan Rumah Teres Untuk Kelulusan 1 Hari Kepada 1 Jam, Alat Pembuangan Sampah Mudah Alih Pelbagai Guna, Kelulusan Lesen Satu Jam, Denguebuster Vehicle, Program Kawalan Pemberaan Nyamuk Aedes Menggunakan Nyamuk Toxorhynchites, Urusan Mendapatkan Pelan/Lukisan Kerja Dan Sijil Kelayakan Menduduki (SKM), Kaunter Bayaran dan Semakan Cukai Tanah PDTKL, Kaunter Kutipan Luar dan Kaunter Kabin Pekan Banting, Smart Hand dan Projek Inovasi Sistem Kawalan Tebing Dan Semak Samun (System Kawalan PCCS).

Ganjaran dan pengiktirafan untuk pemenang bagi kategori Kumpulan Kecil ialah pemenang tempat pertama akan menerima wang tunai bernilai RM 6,000.00 dan sijil. Tempat kedua akan menerima wang tunai sebanyak RM 4,000.00 dan sijil manakala tempat ketiga akan menerima wang tunai sebanyak RM 3,000.00 dan sijil. Pemenang-pemenang bagi kategori jabatan pula ialah pemenang tempat pertama akan menerima RM 11,000.00 dan sijil. Tempat kedua akan menerima RM 8,000.00 dan juga sijil manakala pemenang tempat ketiga akan memerima RM 6,000.00 dan sijil. Untuk makluman, hadiah kepada pemenang-pemenang AISAS 2012 akan disampaikan pada Majlis Sambutan Hari Inovasi yang dijangka akan diadakan pada bulan November 2012.





STATUS TERKINI PROGRAM MERAKYATKAN EKONOMI SELANGOR (MES)

(Sehingga 30 April 2012)

JUMLAH PENERIMA FAEDAH

BIL.	PROGRAM	JUMLAH PENERIMA FAEDAH (ORANG)					JUMLAH KESELURUHAN
		2008	2009	2010	2011	2012	
1	Tabung Warisan Anak Selangor (TAWAS)	-	10,297	11,797	7,155	8,754	38,003
2	Hadiah Anak Masuk Universiti	3,567	6,014	8,118	6,842	2,951	27,492
3	Skim Mesra Usia Emas	867	8,304	8,674	8,939	3,615	30,399
4	Tabung Pendidikan Anak-Anak Pekerja Ladang	552	4,224	676	450	185	6,087
5	Bekalan Air Percuma Bagi 20 Meter Padu (M3) Pertama*	1,101,541	1,160,324	1,220,511	1,260,894	1,276,736	
6	Skim Mikrokredit Selangor (SkimSel)	-	-	750	3,809	950	5,509
7	Skim Kesihatan Wanita (MammoSEL)	-	-	2,688	10,306	2,823	15,817
8	Skim Mikrokredit Miskin Bandar (MiMBAR)	-	-	-	1,632	1,389	3,021
9	Pusat Tuisyen Rakyat	-	4,333	4,508	4,526	8,397	21,764
10	Pusat Dialisis Rakyat	-	-	-	49	51	100
11	Cuti Bersalin 90 Hari	-	15	15	-	-	30
12	Cuti Untuk Suami Yang Isterinya Bersalin Selama 14 Hari	-	-	-	1	-	1
13	Cuti Kematian Suami Selama 30 Hari	-	-	-	-	-	0
14	Pusat Khidmat Krisis Sehenti (OSCC)	-	-	-	-	-	0
JUMLAH		1,106,527	1,193,511	1,257,737	1,304,603	1,305,851	

*Jumlah Penerima Faedah Program Bekalan Air Percuma Bagi 20 Meter Padu (M3) Pertama adalah merupakan bilangan pengguna meter individu dan ia juga termasuk pengguna yang diberikan kemudahan kupon percuma

JUMLAH PERBELANJAAN

BIL.	PROGRAM	JUMLAH PENERIMA FAEDAH (ORANG)					JUMLAH KESELURUHAN
		2008	2009	2010	2011	2012	
1	Tabung Warisan Anak Selangor (TAWAS)	3,200,000.00	1,029,700.00	1,179,700.00	715,500.00	875,400.00	3,800,300.00
2	Hadiah Anak Masuk Universiti	870,000.00	5,667,028.00	7,699,000.00	7,167,000.00	2,853,000.00	26,586,028.00
3	Skim Mesra Usia Emas	354,200.00	19,761,000.00	21,515,500.00	20,700,500.00	9,435,000.00	72,282,000.00
4	Tabung Pendidikan Anak-Anak Pekerja Ladang	68,674,732.87	1,118,540.00	1,905,815.20	928,121.00	59,885.00	4,366,561.20
5	Bekalan Air Percuma Bagi 20 Meter Padu (M3) Pertama*	-	131,468,341.10	136,217,650.50	140,738,975.91	47,834,632.93	524,934,333.31
6	Skim Mikrokredit Selangor (SkimSel)	-	-	1,615,500.00	14,103,050.00	7,124,100.00	22,842,650.00
7	Skim Kesihatan Wanita (MammoSEL)	-	-	227,700.00	1,014,590.00	259,960.00	1,502,250.00
8	Skim Mikrokredit Miskin Bandar (MiMBAR)	-	-	-	3,422,000.00	2,452,651.00	5,874,651.00
9	Pusat Tuisyen Rakyat	-	2,806,225.00	3,241,800.00	3,266,800.00	1,177,572.00	10,492,397
10	Pusat Dialisis Rakyat	-	-	-	-	-	0.00
11	Cuti Bersalin 90 Hari	-	-	-	-	-	0.00
12	Cuti Untuk Suami Yang Isterinya Bersalin Selama 14 Hari	-	-	-	-	-	0.00
13	Cuti Kematian Suami Selama 30 Hari	-	-	-	-	-	0.00
14	Pusat Khidmat Krisis Sehenti (OSCC)	73,098,932.87	-	-	-	-	0.00
JUMLAH		1,106,527	161,850,834.10	173,602,665.70	192,056,536.91	72,072,200.93	672,681,170.51

PROGRAM PENINGKATAN HASIL DARIPADA BAHAN BATUAN DAN MINERAL

BIL.	PROGRAM	ROYALTY YANG DIBAYAR KEPADA KERAJAAN NEGERI SELANGOR (RM)				
		2008	2009	2010	2011	2012
1	Program Peningkatan Hasil Daripada Bahan Batuan dan Mineral	1,470,000.00	5,764,563.86	10,799,494.46	16,513,806.45	3,632,452.62
JUMLAH						38,180,317.39